



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1143. Usque Ad Annum 1176

Fleury, Claude

August. Vind. [u.a.], 1762

VD18 90118014

§. 47. S. Bernardus Sanctorum numero adscribitur.

[urn:nbn:de:hbz:466:1-66377](https://nbn-resolving.org/urn:nbn:de:hbz:466:1-66377)

§. XLVII.

Sæcul. XII.
A.C. 1174.*S. Bernardus Sanctorum numero ad-
scribitur.*

Plus quam decem anni effluxerant, ex quo Fideles instabant, ut S. Bernardus in Sanctorum Catalogum referretur, cujus sanctitas tot virtutibus & miraculis eluxerat. Alexandrum III. Parisiis anno millesimo centesimo sexagesimo tertio commorantem, multi viri non temendæ auctoritatis rogarunt, ut istud negotium in Concilio, quod Turone celebraturus erat, perficeret; id ipsum cupiebat Papa, sed cum deinde plurimi petiissent, ut similem gratiam aliis provinciis concederet, eique non videretur, omnium voluntati obsequendum, ut invidiæ materiam tolleret, S. Bernardum Albo Sanctorum adscribere in aliud tempus distulit. Tandem interjectis decem annis, Monachis Clarævallis, & compluribus aliis primi ordinis viris rem istam urgentibus, Papa, id etiam suadentibus Cardinalibus, Bernardum Abbatem solemniter Sanctum pronuntiavit, ejusque Festum in die obitus publice celebrari jussit. Hæc cognoscimus ex quatuor Bullis Anagninæ decima octava Januarii anno millesimo centesimo septuagesimo quarto datis,

E e e 3 quarum

To. 2. ap.

S. Bern.

p. 1341.

to. 10. Cons.

p. 1376.

Sæcul. XII.
A.C. 1174.

quarum prima ad omnes Episcopos, Ab-
bates, ceterosque Franciæ Prælatos, se-
cunda ad Regem Ludovicum, quem Pa-
pa hortatur, ut monasterii Claravallen-
sis, ubi Sancti Bernardi corpus quiesce-
bat, tutelam suscipiat, tertia ad omnes
Abbates Ordinis Cisterciensis, & quarta
ad Abbatem Claravallensem ejusque
Congregationem dirigitur. Ita S. Ber-
nardus post annos mortis suæ viginti &
menses quinque Sanctorum numero as-
sertus est.

§. XLVIII.

*S. Petri Tarentasiensis supremum
tempus.*

Subidem tempus Alexander Papa S. Pe-
trum Archiepiscopum Tarentasien-
sem in Franciam misit, ut Reges Fran-
ciæ & Angliæ reconciliare conaretur, ex
quorum discordia tot hominum cædes,
provinciarum pernicies, & Ecclesiarum
ruina proficiscebantur. Hæc vero Sum-
mi Pontificis mandata reddita sunt S. Pe-
tro deliberanti, an non equi, quos pau-
cos habebat, venundandi essent, quo
pauperum inopiam sublevaret; cumque
hac de re Henricum, tunc Abbatem de
Hautecombe, deinde ad Claramvallem
translatum, & tandem Cardinalem Epi-
scopum Albanensem, consulisset, is Ar-
chiepi-